

文體明辯

廿五

78
8


東 京 圖 書 館			
漢書門	文章類	架	號
三	四	三	八
冊	函	架	冊



漢 書 門			
類	號	函	架
三	四	一	六
冊	架	冊	冊

內 閣 文 庫			
漢書	架	冊	函
三	六	二	九
冊	架	冊	冊

不許帶


內 閣 文 庫			
番號	漢	6122	
冊數	78(28)		
函號	362	30	





文體明辯卷之二十五

大明吳江徐師曾伯魯纂



表下

宋體

南郊進奉表

宋王安石

臣某言伏以郊兆宗枿臣士顯相慶九畿之藩屏
備萬物之貢輸前件物掌於邦財歛印民職竊觀
燎禋之盛式脩幣獻之常右進

皇太后加尊號鈐司賀皇帝表

宋文夫天祥

重明以繼大人瑤圖垂慶介福而于王母玉冊有
光瑞溢簾帷重關宗祐中賀恭維皇帝陛下敬仁
成性曆數在躬維后綏猷蹈堯舜之孝弟因親教
愛奉任妙之肅雍宜申慈極之尊式表聖倫之至
臣叨兼兵轄諭企陛簾贊長信之徽稱已光漢制
頌塗山之丕訓益大禹功

賀皇后表

宋蘇軾

纘女維鞠倪天之妹事關廟社喜溢人神臣聞三
代之興皆有內助二南之化實本人倫維關雎正
始之風其既醉太平之福民有所恃邦其永昌恭

維皇帝陛下自誠而明維睿作聖輯寧夷夏德既
茂於治朝輔順陰陽政兼脩於內職既膺大慶益
廣至仁下逮海隅夫婦無有愁嘆上符天造日月
為之光明受祿無疆與民同樂

皇子賜名額州賀皇帝表

宋文天祥

家有嚴君托中興之昌歷天以聖子作大國之宗
藩喜溢宮闈慶闢宗社中賀恭維皇帝陛下懋昭
聖德厚正人倫保天命以宜君四方無侮貽孫謀
而翼子百世可知爰錫嘉名載敷大號敬哉有土

肇基二水之邦格于皐天式應三星之曜俾耆而
艾長發其祥臣縻跡侯方傾心魏闕監王成憲願
垂謨烈之休啓我後人益壯本支之盛

皇子進封左衛上將軍嘉國公賀皇太后表

宋文天祥

東朝保艾方隆堯母之仁西國分茅式篤文孫之
慶兩宮喜色萬宇歡聲中賀恭維壽和聖福皇太
后陛下德厚慈元神怡長樂尊之至也上承視膳
之勤宜爾繩兮下適含飴之趣瑤池日永玉葉春
濃臣遠被繡衣踰瞻綵仗于其王母知介壽之來

崇佑我後人願不圖之有紆

皇女進封同壽公主賀皇帝表

宋文天祥

乾見大人道夙隆於乾體巽為長女命爰寵於巽
申喜溢宮庭歡騰海宇中賀竊維興君之際必有
積善之餘播在正風則曰王姬之美陳于小雅是
為女子之祥無非歌福祿之同于以表國家之盛
恭維皇帝陛下和順而理溫柔以容苞體深仁既
茂繇瓜之瓞岡陵厚積復培穠李之華始封爰遴
於嘉名選祉永齊於聖壽臣跡縻使事身隔賀班

文淵閣書

親愛如家，迺贊人倫之厚。蕭雍迪教，通觀王道之成。

乾會節贛州賀皇帝表

宋文天祥

一人天拱，通符龍御之亨。萬國雲從，共慶虹流之瑞。系隆宗社，福被寰瀛。中賀恭維皇帝陛下，曰：睿日聰乃文，乃武。金甌有永，紹寧人太寶之休。翠蹕早朝，娛太后萬年之壽。當嵩呼之華，且總夢月之佳辰。兩宮同時，千載盛事。臣猥叨分竹，彌切傾葵。奉王卮之恭阻，綴班於北闕。通銀臺之奏，但申頌。

於西崑

天申節賀表

宋陸游

化國之日，舒以長運。格千齡之盛，天子有父尊之至心。均萬寓之驩，敢即昌期。虔申壽祝，中賀恭維太上皇帝陛下。宅心清靜，受命溥將。協氣薰為，太平華夷。銜莫報之德，孫謀以燕翼子。宗社侈無疆之休，誕敷錫於下民。丕靈承于上帝，臣方馳使傳阻。綴朝班，望醉表於雲霄。敢恨微蹤之遠，被頌聲於金石。尚希薄技之陳。

壽崇節兵馬鈐轄司賀皇太后表

宋文天祥

金闕日長尊處宸闈之極于卮春滿誕膺法駕之朝凡在式圍率均擊壤中賀恭維壽和聖福皇太后陛下心遊恬淡德著慈仁隆周召之風人倫既正養黃老之性毋道獨尊皇穹申方至之休壽命衍無疆之筭臣猥分郡組共貳戎韜迹遠觚稜帷幄踰瞻於長樂枕同葵藿笙璫第想於承華

天瑞節鈐司賀皇帝表

宋文天祥

謳歌與子方開捧日之祥福祿宜王初紀流虹之

慶光生宗社歡溢堪輿中賀恭維皇帝陛下天德生知乾元首出載震載夙膺天地之珍符繼聖繼明正春秋之嫡統當瑤光之瑞節際金顛之昌辰臣分虎有嚴扈翬欲舞呼玉卮之萬歲踰贊玉休進金盞之千秋嗣殫臣職

馮翊郡君連氏等賀皇帝南郊禮畢表

宋王安石

伏以廟饗蠲烝郊柴昭報仰格神靈之饗俯均夷夏之歡中賀伏維皇帝陛下道協欽明德兼神武攬御今之臯策考嚴上之帝儀祲威盛容茂實存

乎六世恩典徽數賚并及於萬方妾備數先朝叨
榮中禁親逢累洽竊用交欣

德妃苗氏上賀皇帝南郊禮畢表

宋王安石

伏以靈承廟祐祗載郊丘既來萬國之歡遂格三
靈之祐中賀恭維皇帝陛下徇齊成性睿廣膺期
神罔時恫方紹休於大業聖為能饗乃獲考於上
儀妾逮侍先朝親逢盛事觀瞻有煒欣賴實多
禮部賀嘉禾及芝草表

唐柳宗元

臣某等言伏見今月某日內出劔南所進嘉禾圖
及陝州所進紫芝草示百寮者珍圖煥開瑞彩交
映遐邇偕至福應攸同臣某等誠慶誠賀頓首頓
首伏維皇帝陛下緝熙至道保合太和天惟發祥
地不愛寶嘉禾擢質靈草抽英獻於王庭唐叔懃
同穎之異薦諸郊廟班史謝連葉之奇既呈藹藹
之祥更覩煌煌之秀豐年斯著聖壽用彰飲和之
人歡抃無極臣優游至化披翫殊姿慶抃之誠倍
萬倍品

為王京兆權賀嘉蓮表

唐柳宗元

臣某言今日某時中使其奉宣聖旨出西內神龍
 寺前水渠內合懽蓮花圖一軸示百寮者祥圖煥
 開異彩交映贊天地之合德表神人之同歡臣某
 誠歡誠慶頓首頓首伏惟皇帝陛下道協重華慶
 傳種德陶陰陽之粹美孕造化之精英吉慶每見
 於天心發祥必自於禁掖是使雙華擢秀連蒂垂
 芳香激大王之風影耀天泉之水煥開宮沼旁暎
 給園靈貺應期天龍護聖寶曆負超於小劫神功
 允洽於大千臣某獲親昇平濫居榮寵聞瑞應而

稱慶仰績事而增歡

賀赤烏白鵲表

宋汪藻

治格時雍祥昭羽屬生皆異稟凝丹素以成形出
 若相符信圖書之上瑞必有召此來非偶然中賀
 伏以烏本陽精鵲知歲事方聖祚紹隆於火德適
 天時應在於金穰宜爾珍禽呈茲瑞質孝能致嘯
 煌煌儀則之新喜必傳音鶯鶯羽毛之潔用明諸
 福之畢至孰謂二蟲之無知恭維皇帝陛下保合
 太和緝熙純嘏歧行喙息皆安性命之情岳貢川
 珍盡發乾坤之蘊是生神物來相昌期將合衆以

成章乃同時而薦社徇翔有煒協周家王屋之符
粹美而真異莊子彫陵之見一非周遊於栗林之樊觀
彈彈而留之觀一非周損彈而美蔭蟬蟬而執螳螳而博螂螂而許而而許之之周周
身身異鵲鵲遊於栗林而忘真栗林虞人遊而忘所所以不既九重之有托寧三三匝以求安臣等幸列
近司喜逢休應有生成遂宜多可俯之巢同類相
求將致來儀之鳳

代宰臣以下賀雪表 宋呂祖謙

皇極之主疇既叙於時寒豐年之冬兆先占於積
雪續紛六幕貫育九圍中賀恭維皇帝陛下綏靜

嘉師財成元化嚴凝西北斂義氣以方升疆理南
東瞻同雲之已合瑞呈禹甸喜溢堯衢臣等幸際
昌辰欣逢休應授簡而居客右雖慚梁苑之辭為
樂而與民同請上齊宮之對以上慶賀

大行皇帝升遐鈐司慰皇帝表

宋文天祥

王宜日中方慶垂衣之治父有天下遽傳憑几之
言宗社憫凶幅員哀痛恭以大行皇帝王道正直
帝德簡寬奉長樂之清溫丕昭仁孝聽邇英之勸
誦適紹文明方嗣服於萬年胡委裘於一旦烏號

罔極龍御何追中慰恭維皇帝陛下聖德升聞孝
思永慕重華協帝方遏密於八音象宰總官將諒
陰於三祀願少紓於聖抱以弘濟於臯圖臣逖領
戎輶哀傳國疚阻伸奔問惟重摧傷

啓殯慰皇帝表

宋文天祥

三年諒陰不言悲深翼室七月同軌畢至告啓敢
塗遠日戒嚴終天增慕中慰恭維皇帝陛下外勤
謀廟內奉臨朝制爰舉於因山龍輶將駕情永懷
於陟岵鳳紼奚追願寬劔烏之思益重基圖之託
臣屬糜斗壘阻慰宸庭

啓殯慰太皇太后表

宋文天祥

居長樂之漢宮永懷鶴駕卜會稽之禹穴垂志龍
輶悲結慈闈痛均溥海中慰恭維壽和聖福太皇
太后陛下憂勤德備擁佑功高百世可知首正貽
孫之則七月而葬豈勝思子之懷願東望以節哀
重外朝之同御臣身糜乘障跡阻趨班

發引慰皇帝表

宋文天祥

鸞車既駕陟岵哀深龍匣畢塗崇立制舉新宮永
閉異室增傷中慰恭維皇帝陛下思道諒闇送終
哀感居喪讀葬禮不愆復土之期因山不起墳尤

切望陵之感莫少寬於孺慕以丕重於宗祧臣縻跡侯藩傾心宸陛

發引慰皇太后表

宋文天祥

國謹重喪龍棺就殯禮襄太事鸞掖興懷海宇同哀山陵告備中慰恭維皇太后陛下憂勤孔夙哀感謹終媯汭居諸帳虞琴之已遠會稽咫尺望禹穴以奚追願紆既葬之悲式相維新之治臣承流有守伸慰無從

大行皇帝百白慰皇太后表

宋文天祥

雲升梧野頓隔千秋日短奠階駕言十泐委裘禍迫捐袂哀深中慰恭維皇太后陛下教盡人倫慶隆毋道雖易月以日難窮伉儷之悲然薦子於天正重攜持之託願俯從於中制用式副於羣情

禫祭慰太皇太后表

宋文天祥

哀衣萬歲痛隔終天禫服一朝權從易月感時憂戀率土盡傷中慰恭維壽和聖福太皇太后陛下德著寶禕功藏金匱撫鼎湖之龍去子保何追懷豐水之燕貽孫將有行願副普天之望式紓慈極之悲

大行皇帝再期慰皇太后表

宋文天祥

望斷乘雲悵龍驂之浸邈制嚴易月愧鳳曆之再周凡屬懣持式同追慕中慰恭維皇太后陛下承天功大與子仁深雖悼舜陟方不替蒼梧之望然開周嗣歷方隆豐芑之休願少抑於哀悼用永綴於神器

慰正旦表

宋蘇軾

嗣歲將興雖有祚新之慶舊穀既沒共深追遠之思凡在照臨舉增懷慕中謝恭維皇帝陛下道躋

堯禹行北騫參方受圖於三朝明發不寐念御簾於雙日孝思柰何季寬罔極之哀少副有生之望

正旦慰太皇太后表

宋文天祥

正月始和律更天疾昊夫不弔痛在思齊曆數維新宮闈孔惻中慰恭維壽和聖福太皇太后陛下為元氣毋與太極游孟春而戒道人撫時其邁上日而受文祖擁治方新願寬不子之思益重神孫之託臣屬庶宣化阻慰履端

冬至慰表

宋周必大

亞歲甫臨方講漢儀之舊徽音寢遠共深文母之

思遙知醉穆之光正切哀恫之慕中慰恭維陛下
道同堯舜行過淵騫罷長樂之壽觴深悲節物望
慈寧之總帳益動孝思願寬追遠之懷庶對履長
之序

冬至節贛州慰皇帝表

宋文天祥

一陽來復感駒隙之易流三祀諒陰悵烏號之寢
邈愴深履韞悲著羨牆中慰恭維皇帝陛下清明
在躬恭默思道水有源木有本方嚴祭祖之時霜
既降露既濡不替思親之念少抑君諸之慟仰塵

付託之隆臣逖守遐邦阻班嚴陛誦先王省方之
戒願謹起居乘諸侯謀廟之忠聿懷奔走
冬至節贛州慰皇太后表

宋文天祥

復陽在地氣應黃鐘坤德承天悲深素鞞六宮增
疚萬宇未懷中慰恭維皇太后陛下長信宅尊思
齊繼美手扶宮日坐占千歲之長目斷臺雲尚想
九疑之遠願紓哀於儷極以永翼於皇圖臣逖守
江城踰瞻禁闕

駕幸河北起居表

宋楊億

羣幕稽誅鑿與順動羽衛方離於象魏天威已震
於龍荒慰邊氓後后之心增壯士平戎之氣臣聞
涿鹿之野軒皇所以親征單于之臺漢帝因之耀
武用殲夷於兇醜遂底定於邊陲五材並陳蓋去
兵之味可六龍時邁因犯順以必誅矧朔漠羣妖
腥膻雜類敢因膠折之候輒爲烏舉之謀固已命
將出師擒俘獻馘雖奪明王之帳未焚老上之庭
是用親御戎車躬行天討勞軍細柳之壁巡狩常
山之陽師人多寒感恩而皆同挾纊匈奴未滅受
命而孰不忘家行當肅靜塞垣削平夷落梟冒頓

之首收督亢之圖使遼陽八州之民得聞聲教榆
關千里之地盡入提封蛇豕之穴悉降干戈之事
未戢然後登臨瀚海刻石以銘功陟降云亭泥金
而典禮遠追八九之迹未垂億萬之年臣忝守方
州莫參法從空厲請纓之志慙無扈蹕之勞唯聆
三捷之音遠同百獸之舞慰安

辭樞密副使表

宋歐陽脩

臣某言伏奉制命蒙恩特授臣依前禮部侍郎充
樞密副使仍加食邑實封散官勳賜如故者成命
始行驟驚於衆聽撫心增懼曾莫以自容臣其中

謝竊以樞要之司朝廷慎選出納惟允實贊於萬
機禮遇均隆號稱於二府顧任人之得失常繫國
體一作之重輕苟非其材所損不一伏念臣器能甚
薄風力不強以喜文辭始浮華而少實晚勤古學
終迂闊以自愚而自遭逢盛明擢在待從間嘗論
天下之事言出而衆怨已歸思欲報入主之知智
短而萬分無補徒厝危躬於禍咎每煩聖造之保
全既不適於時宜唯可置之閒處故自叨還祿署
逮此七年屢乞方州幾于十請溘愚誠而懇至被
明詔之丁寧雖太度并包徭荷優容之賜而羣賢

在列敢懷希進之心豈謂伏遇尊號皇帝陛下急
於求人思以濟洽因柄臣之並選憐舊物以不遺
然而致遠之難力不勝者必速其覆量材不可能
自知者猶得為明敢冀睿慈察其迫切俾回渙渥
更選雋良如此則器不假入各適賢愚之分物皆
知報何勝犬馬之心

辭特轉吏部侍郎表 宋歐陽脩

受寵若驚况被非常之命事君無隱敢傾至懇之
誠仰黷高明唯知踟躕臣其中謝伏念臣性姿庸
近識局昏冥學古自愚非有適時之用論材甚薄

文淵閣詩卷三十五 表六 百

豈堪任重之難徒以荷先帝之誤知自孤生而拔擢犬馬未報但虞瑱壑之也時弓劔忽遺遽歎攀髯之莫及而屬皇明繼照聖治維新送往事君雖策疲驚而自勵進思退補未知罪戾之所逃至於貪踰分之寵榮冀無功之爵賞非唯愚慮所不敢及顧有公議其將謂何而甫茲彌年再以前秩方命書之始下駭羣聽以生疑此臣所以剖瀝肺腑不能自止彷徨夙夜莫獲偷安伏望皇帝陛下回日月之餘光廓乾坤之大度察其悃愾通作假以矜寬雖成命已行國體當嚴於出令而從人之欲

天高或幸於聽卑特收渙汗之恩以息譴諍之論庶安常業誓畢愚衷

再乞罷宣撫使表 宋李綱

臣綱言伏蒙聖慈以臣累具劄子乞罷知樞密院事河北河東路宣撫使守本官致仕或外任官觀一次再降詔書不允者危誠上達方虞斧鉞之誅溫詔俯頒未遂立園之請敢再陳其懇惓庶仰冀於矜從中謝伏念臣一介書生不習兵事忘身殉國雖堅衛上之心制勝運籌初乏折衝之略誤蒙天獎俾長樞庭出分闕外之權未迪師中之吉雖

聖恩寬大必將赦三北而用立明然公議沸騰豈
 肯以一戰而怒房瑄與其招人言而得罪若控
 君父而乞身往城于方宜有赫赫之南仲在泮獻
 誠必資矯矯之虎臣自度非才請避賢路伏望皇
 帝陛下容之以天地之量燭之以日月之明憐臣
 勞瘁而無補於事功察臣精誠而有志於忠義進
 以道而退以禮不使翺翔保其始而全其終無令
 隕越則臣誓堅素守仰戴鴻恩矢東隅而收桑榆
 捐軀未晚先朝露而填溝壑結草為期辭以上

謝皇帝登極赦文表 宋文天祥

日月重離開國家之休運雷雨作解溥天地之至
 仁萬邦咸休一人有慶中賀恭維皇帝陛下堯文
 光宅舜德出寧神聖為君不受皇天之命春秋立
 嫡聿昭正統之宗爰肆眷於端門示湛恩於熙代
 臣猥分銅虎隄企金雞大人繼照四方聳觀初政
 皇極敷錫五福第奉寬書

謝授新安郡侯表 宋汪藻

臣某言准告命伏蒙聖恩以宗祀赦文授臣新安
 郡開國侯加食邑三百戶者禮洽中夫慶覃外服
 猥奉十行之詔就加五等之封中謝伏念臣積庸

恩私浸踰分願昨投間於異縣蒙起廢於偏城久
客還家方憇南飛之鵲通侯授印忽成左顧之龜
雖滲漉以惟均何遭逢之獨異茲蓋伏遇皇帝降
下調貽萬類藩飾羣土屬宣室之受釐釐震區而
蒙福臣適臨本郡仍昨鄉州宋久泝泝以得封望
胡及此漢將銀黃而夸里榮乃過之寵既逮於子
孫忠敢移於生死

謝直集賢院表

宋夏竦

北門禁省給青簡以試言東觀直廬降紫泥而命
職莫遣假人之刺彌彰遇主之榮竊以承明設待

詔之官寔漢朝之芳潤嚴正啓脩書之院乃唐氏
之英華濬圖書之淵敞龍鳳之字自非弓裘繼世
章句名家通授義昇如之靈篇閑書笏珥彤之故
事則何以繼成康之美頌考宣武之懿文陪法從
於甘泉奉宸游於屬玉况當聖日允屬簡求如臣
者學不傳經文非近史青青子佩雖見刺於勞心
翹翹錯薪亦濫期於刈楚筮仕勝衣之歲薦名象
日之畿方博帶以觀光遽墨衰而洽牒尋遇國家
誕敷尺詔增廣六科方棲枳以徒勞遂上封而自
薦始較文於藝苑旋試可於鼎司亟趨文石之墀

遂忝延英之問擊轅度曲敢望於九成紫帶公瘡
俄登於百雉陞象河之屬吏佐分虎之方州爰受
代於瓜時遂歸朝於幄坐典陳陳之粟閱山委之
丘區從九九之車總絲焚之案牘暨還衡睢壤舍
爵太官既諧引籍於金閨將佐干藩之熊軾又慮
沈迷簿領廢墜簡編負公朝振舉之科辜聖主詳
延之意遂殺青而奏技果出綽以推恩禁林俾試
於雕蟲書殿遽令於抱欵閱上帝之冊府目眩星
辰登道家之蓬山足踐雲氣奉長者之餘論與先
生而並行分直石渠地接嚴更之守縱觀金匱門

連著作之廷載惟螻蟻之軀莫報乾坤之賜恭維
尊號皇帝陛下享寢廟以至孝奉靈祇而克誠流
鴻藻於絕瓊鑠景炎於往號以文明而行健體柔
克以居高縱觀唐漢之大猷備舉黃虞之故實睿
藻和而六同韻天章麗而五佐飛恢崇務廣於斯
文獎擢不遺於小道遂使至孤之士獲塵非次之
恩東陵遽擬於西山羔裘遂登於狐腋歌衛風而
合雅鬻齊紫而雜良誠當潔節於素絲敢不盟心
於白水益三緘而出話彌九復以窮經永冰淵惕
厲之心奉日月照臨之鑒庶違素餐之謗仰酬明

主之知媿懼所深兢惶不已

謝觀文殿學士刑部尚書表

宋歐陽脩

職清書殿寔為儒者之榮望峻天臺仍忝刑官之
重內循謙薄仰玷光華臣其中謝伏念臣稟質迂
愚粗知業履因時幸會遂竊寵靈無拾遺補闕之
勤常陪法從非大冊高文之手又廁翰林晚綴宰
寮俾聞國論荷三朝之眷遇每察懦衷幸四海之
清平得容尸祿居滿盈而不戒積災釁以自貶屬
聖統之嗣興赫皇明而繼照評言詰服已大釋於

羣疑危跡保全俾不虧於素守犬馬合思於報效
桑榆奈迫於衰遲屢貢懇私上于聰睿遂蒙開允
俾解繁機然而晚節餘生本期避寵清資顯秩益
更貪榮被優渥之非常但凌兢而失措此蓋伏遇
皇帝陛下聖神御極亭育推仁閔孤拙之勢危無
容自立謂疲駑之力竭難責遠圖曲軫至慈俯從
誠請仍憐舊物特示殊恩顧非木石之頑宜識乾
坤之造颯然素領雖難強於筋骸皎若丹心猶自
期於塵露

謝除翰林承旨表

宋蘇軾

使星下燭生蓬幕之光華天澤滂流及桑榆之枯
槁國有用儒之盛士知稽古之榮伏以翰墨之林
號稱內相文章之外不取他才至於用人可以觀
政文武並用或成頗廉姓牧李姓之功雅正雜居至有
佞王姓文王叔之患惟貴且近故難其久而况金鑿
玉堂親被絲綸之密北扉東閣獨稱年德之高必
有異人以齊眾口而臣本緣衰病出守江湖以丁
方凋弊之餘當二年水潦之厄戴星而治僅免流
亡及召而還恍於夢寤交親迎勞井邑聚觀驚華
髮之半空笑丹心之未報宜投閒散以養衰殘豈

期過採於虛名復使榮加於舊物此蓋伏遇皇帝
陛下德同乾健明配日中既祖述於堯仁復躬行
於舜孝才難之嘆人誦斯言緣先帝之德音擢孤
臣於散地言雖直而無罪身愈遠而益親委曲保
全始終錄用臣敢不更磨朽鈍少補涓埃難得者
時未有捐軀之會勿欺而犯誓無患矣之心
謝除禮部尚書兼翰林學士表

宋周必大

宗伯綴文昌之坐已高曳履之班翰林依華蓋之
星尚玷演綸之直當聖主謹持於公器獨愚臣常

媿於私人中謝瞻城南尺五之天致身無路想玉階方寸之地通籍幾年况乎出入禁嚴周旋侍從論思獻納日邇清光衣被服成歲叨微數向匪負一時之望安能符衆論之公如臣者學不足以知方力不足以應務家壁四立甘爲窮陋之民君門九重敢起躋攀之念忽拜便蕃之命疊加優異之恩帥屬春官先貳卿之舊次搗文禁苑忝四命之新榮煥寶帶以章身飭繡韉而驚駿正使實兼數器尚虞稱塞之難矧伊初乏寸長何意超踰之甚周章就列俯仰懷慙此蓋伏遇皇帝陛下道協舜

華志恢禹迹明明在下雖洞照於羣情浩浩其天每包涵於萬類寧稍捐於爵秩恐或棄於菲葑遂致凡才亦塵顯仕臣敢不悉其思慮稱是寵褒號令文章期勸漢家之制討論潤色勉希鄭國之賢苟道素餐豈酬洪造

手詔令視事謝表 宋王安石

謫議升聞已賴舜聰之豁達懇誠上訴更煩周誥之丁寧竊以作威者王之權侍察者臣之禮蓋雖蒙非常之厚遇亦將避可畏之煩言臣志尚非高才能無異舊惟所學之迂闊難以趨時因欲自屏

於寬閒庶幾求志維聖人之時不可失而君子之
義必有行故當陛下即政之初輒慕昔賢際可之
仕越從鄉郡歸直禁林或因勸講而賜留或以論
思而請對愚忠偶合即知素願之獲由睿聖日躋
更懼淺聞之難副重叨殊獎忝秉洪鈞所宜引分
以固辭乃敢冒恩而輕就實恃明主知臣之有素
故以孤身許國而無疑人習玩於久安更循緣於
積弊竅言不忌諛行無慙論善俗之方始欲徐徐
而變革思愛日之義又將汲汲於施為以物役已
則神志有交戰之勞以道徇人則事功無必成之

望恐上辜於眷屬誠竊幸於退藏猶貪仰附於未
光亦冀相成於薄効比聞獨斷謂合僉言但輸承
命之忠遂觸招權之毀因請避衆賢之路庶以厭
異議之人伏蒙皇帝陛下敦大兼容清明旁燭賜
之神翰諭以至懷君臣之時常千載而難值天地
之造豈一身之可酬敢不自忘形迹之嫌庶協神
明之運

謝宣召入院表

宋真德秀

伏以來從南服未宣民版之勞召真北扉猥被宸
綸之寵光生里巷榮動簪紳竊觀列聖之用人唯

待詞臣而加禮蓋於言語文章之外責其論思獻
 納之忠或雖忤旨而暫間終必弃瑕而復用脩歐姓
 陽除翰苑在環滁出守之餘軾蘇姓侍禁庭亦赤壁
 歸來之後豈非如歲月則其文老涉憂患則其慮
 長乃登邃嚴以備顧問如臣者才華弗競竊拙自
 將掌先皇內制者六年每慙越俎迨陛下初元之
 再命竟許循牆以馳驅州縣之類且廢棄山林之
 名見聞浸少藝業益荒結茅屋於雲邊已其終老
 瞻王堂於天上若隔前生敢云白首之重來誤辱
 清衷之妙簡獲玷久虛之選幾成三入之榮茲蓋

伏遇皇帝陛下肆筆成文解絃更化志孚羣聽欲
 下山東之書念在邊陲或訪河西之事必有端良
 之彥以充供奉之班奚取臣愚俾承人乏臣敢不
 益堅晚節思答隆知賜官錦而嘉草詔之能雖非
 敢望錄金鏡而任進賢之要實所自期

謝泉州到在表

宋汪藻

恭承休命就易名藩去父母之邦接浙敢同於他
 國問蠻夷之俗褰帷如在於中州責重捫心恩深
 隕涕中謝伏念臣昨從詞館叨領守符素號迂疎
 無問馬及羊之智乃蒙安使得維桑與梓之州

年而勞力勞心一身而畏首畏尾力祈罷免反冒
遷除雖賣劍買牛老猶堪於渤海然舉頭見自身
益遠於長安茲蓋伏遇皇帝陛下總數百士照臨
萬國眷方隅之瀕海須師帥之得久故遣近臣往
綏遐俗况今閩徼莫盛泉山既旁接書文之同當
尤懲獄市之擾臣敢不仰遵寬大俯厲衰殘講求
百粵之宜參諸禹貢奉上三年之計對以春秋

永州謝表

宋范純仁

臣某言准告責授武安軍節度副使永州安置已
於今月十一日到永州訖嘉愚誤國痛往咎之莫

追聖哲當天詎明刑之可逭曲從寬典止竄遐陬
泣血銜恩隕心知罪中謝伏念臣器能淺陋學術
迂踈藉闕閱之餘資竊朝廷之顯仕度才量力每
深負乘之憂冒寵叨榮果積山嶽之釁擢髮宜尸
於兩觀分符尚玷於一麾未正嚴科難逃公議諒
惜陛廉之體特寬斧鉞之誅貸其桑榆以禦魍魅
身縈鴛疾已傷兩目之盲舟覆長江僅救全家之
溺既緣自取為幸猶多此蓋伏遇皇帝陛下日月
照臨乾坤覆載法比漢章之約仁同湯網之開矜
臣簪履之餘曲加涵育憐臣帷幄之舊尚俾生全

致是厄殘苟延視息臣敢不刻肌遷善沒齒思愆
求同湖海之民均被唐虞之化餘齡向盡唯冀於
首丘洪造未醜敢忘於結草

謝在中書日行遣公事不當放罪表

宋范仲淹

臣某言近准中書劄子伏蒙聖慈以臣等在中書
日行遣李晏男公事不當特放罪者其位之材昂
虧於國論大明之照終示於天慈爰霽震霆允為
渙汗臣中謝向以昧陋參于幾微心則首公智非
周物日視四方之奏類多庶獄之疑而有告訐以

言情偽未究妖兇既斃證在弗完上開三苗之仁
在刑惟恤僉重一成之議至失不經多歷歲時尚
騰牒詐伏蒙皇帝陛下川澤廣納日月委臨察其
無他怨茲不及天地之私至大丘山之戴何勝敢
不再省前尤一心後効少贖失中之咎用敷報上
之誠臣無任感恩荷聖激切屏營之至

謝賜慶曆年號七年曆日表

宋歐陽脩

臣脩言本州進奏院遞到詔書一道賜臣慶曆七
年曆日一本者天序方周王正肇建凡爾守邦之

吏皆蒙頌曆之恩匪以為私蓋遵彝典臣某中謝
伏維尊號皇帝陛下乾坤覆載日月照臨不言而
四時行有作而萬物觀而乃考覽氣象精窮天人
著為玉曆之文以協明堂之政舟車所至正朔咸
加雖被謫以窮居亦以時而受賜臣敢不虔遵聖
訓順布民時上副欲治之心少逃曠官之責作

曆日謝皇帝表

宋文天祥

乘龍御以紀年一元正始詔虎城而頒朔千里承
休敬授入時對揚王命中謝恭維皇帝陛下明哲
作則曆數在躬欽若昊天熙春夏秋冬之績建用

皇極協兩暘寒燠之疇乃誕布於成書以昭垂於
新治臣藩宣有恪播告惟恭錫厥庶民順中星而
平秩佑于一德歌化日之舒長

謝賜生日禮物生餼表

宋王珪

詔函俯暨臺饋申頌絕衡弼之異恩動里閭之殊
觀伏念臣所懷蹇淺自奮羈單方少而孤每感劬
勞之日其生也幸得遭熙盛之朝遂以區區投老
之身而處赫赫具瞻之地與圖邦政固無經遠之
謀式燕私門更誤養賢之禮此蓋伏遇皇帝陛下

寵綏近辟不肖庶士謂君臣同體則憂樂宜均而
上下相求則報施為重幣繒實寵已厚於解衣
餼廩盈庭愧有加於浮食敢不內竭朴愚之守上
酬獎顧之深

謝賜金帶衣馬表二首

宋蘇軾

被三品之服章君子所以昭令德分六閑之駟駿
朝廷所以旌有功顧惟何人亦與茲寵拜恩俯俸
流汗交并中謝伏念臣人微地寒性迂才短顧希
帛而自薦偶忝綰紳駕款段以言歸終安耿敢豈

謂便蕃之錫萃於衰病之軀此蓋伏遇皇帝陛下
總覽衆土財成太化至誠樂與有緇衣之好賢俊
民用章無白駒於虛谷不遺寒陋亦被光華攬佩
以思遂識斷金之義舉鞭自誓敢忘希驥之心
錫之上駟敢忘致遠之勞佩以良金無復忘腰之
適執鞭請事顧影知慙恭維皇帝陛下馬儉中脩
堯文外煥長轡以御率皆四牡之良所寶惟賢豈
徒三品之貴出捐車服收輯事功而臣衰不待年
寵常過分枯羸之質匪伊垂之而帶有餘斂退之
心非敢後也而馬不進徒堅晚節難報深恩

命服斯皇詩詠周文之德康侯用錫易稱王母之
仁惠澤所加臣士知勸中謝伏念臣資材朽鈍學
術空疎矧茲衰病之餘豈復光華之美荷寵章之
蕃庶人以爲榮顧形影之支離臣唯自愧此蓋伏
遇太皇太后陛下知人堯哲徧物舜仁時遣拾遺
補過之臣出爲承流宣化之任子衣安吉不待請
而有之我馬虺隤蓋知榮而賜者敢不勉思忠盡
務報恩歎永爲廐庫之珍莫悲民力無忘獄市之
寄以副上心

謝賜衣襖表

宋蘇軾

齊官三服已寬卒歲之憂漢相十行更佩先春之
煖恩均吏士聲動華夷中謝伏以禮著始裘詩歌
無裊邊陲更戍本爲臣子之常朔易早寒特軫聖
神之念惟德其物豈曰無衣恭維皇帝陛下廣運
聰明力行恭儉威風旁振方戰慄於天驕丹詔下
融遂流漸於河凍既無功而坐食實有德於解衣
敢不推廣朝廷之仁益收凍餒申嚴祖宗之法以
肅情愉庶收汗馬之勞以解濡鷄之誦

謝賜鞍馬表

宋李綱

臣綱言伏蒙聖恩特降中使賜臣馬二疋金鍍銀

閑裝紫繡鞍轡一副烏銀裝番鞍一副者使命來
臨天威在望申遣左璫之重載頌內廐之良佩服
恩榮祗深慚懼中謝恭維皇帝陛下端一心而觀
萬化操八柄以馭羣臣念其驅馳之勞錫以駢蕃
之寵壯元戎之十乘解左服之兩駿偉然神駿之
姿被以連乾之飾臣敢不仰承睿眷俯罄愚忠誓
不與賊以偕存顧雖捐軀而何惜餘齡尚在雖無
據鞍矍鑠之姿將命不愆或遂攬轡澄清之志

代高麗王謝賜燕樂表

宋孫覲

十行賜札誕彌遼海之邦萬里同文普聽鈞天之
樂俯慚虛受中積愧懷伏念臣錫壤三韓襲封四
郡環居島服習聞夷鞞之聲仰瞻雲門實眩咸池
之奏方重華之上治躋累洽之閔休監二代之敷
文命以夔而制樂登歌下管天地同流鼓瑟吹笙
君臣相說加賁鹿茸之饗輔成魚藻之歡有懷疏
逖之臣亦與分教之數王角萬國于舞已格於七
旬簫韶九成肉味遂忘於三月仰止祝將之賜鬱
然食侑之光驟此叨居殆無前比茲蓋伏遇皇帝
陛下躬持慈寶丕冒仁恩通道八蠻坐致遠人之

悅同符五帝肇開古樂之興出大晟之珍藏作朝
鮮之榮觀堯離一變慈惠均敷蕩蕩乎無能名雖
莫見宮牆之美欣欣然有喜色咸與聞管籥之音
稽首拜嘉周邦來賀臣敢不服膺睿獎謹度遐方
仰九門之句傳徒起戴盆之望與百獸而率舞但
深頌藿之心以上陳謝

遺表

宋范純仁

臣聞生也有涯難逃定數死之將至願畢餘忠輒
留垂盡之期仰瀆蓋高之聽伏念臣賦性拙直稟
生難危忠義雖得之家傳利害率同於人欲未始

苟作以于譽不敢患失以營私蓋嘗先矢卞而憂
期不負聖人之學此先臣所以教子而微臣資以
事君自自治平年英宗擢為御史繼逢神考進列諫
垣在再五十二年首尾四十六任分符擁節持橐
守邊晚叨宥密之求再席鈞衡之寄遇事輒發曾
不顧身因時有為止欲及物固知盈滿之當戒弗
思禍亂之陰乘萬里風濤僅脫江魚之弊四年瘴
癘幾從山鬼之游忽遭睿聖之臨朝首圖繼介之
舊物復官易地遣使宣恩而臣目已不明無復仰
瞻於舜日身猶可勉或能親奉於堯言豈事理之

能諧果神明之見，嗇未獲九重之入覲，卒然四體之不隨，空慚田畝之還，上負乾坤之造，猶且強親藥石，貪戀歲時，儻粗釋於沈迷，或少紓於報効，全則膏肓已迫，氣息僅存，泉路非遙，聖時求隔，恐叩闈之靡及，雖結草以何為，是以假漏偷生，剗心瀝懇，庶皇慈之俯鑒，亮愚意以無他，臣若不言，死有餘恨，伏望皇帝陛下，清心寡欲，約已便民，達孝道於精微，擴仁心於廣遠，深絕朋黨之論，審察邪正之歸，搜拔幽隱，以盡人材，屏斥奇巧，以厚風俗，愛惜生靈，而無輕議邊事，包容狂直，而無易逐言官。

若宣仁高宗后之毀謗，昧明致保祐之憂勤，不顯本權臣務快其私忿，非泰陵昭實謂之當然，以致誅究流人之往愆，悉以聖恩而特叙，尚使存沒猶汗，瓊玕又復誅解疆場之嚴，幾空帑藏之積，有城必守，得地難耕，凡此數端，願留聖念，無令後患常軫，淵衷臣所重者，陛下上聖之資，臣所惜者，宗社無疆之業，苟斯言之可采，則雖死而猶生，淚盡辭窮，形留神逝。右遺表

謝宰相笏記

宋王安石

祇荷寵靈，載懷感懼，竊念臣志雖慕古，才不逮時。

誤蒙記憐特賜收用伏維皇帝陛下紹膺天統遵
養聖功勞招徠良橫及疎賤誓當罄竭仰稱寵光
謝翰林學士笏記 宋王安石
合哀去國扶隨造朝黼座禁嚴許之燕見玉堂閑
麗賜以叨居申飭使人就傳德意事雖有故寵實
非常莫知報稱之謂何徒荷眷求之如此

謝宣召入院笏記

宋蘇軾

禁林之選多士所榮非獨文章之工俾專翰墨當
屬典刑之老以重朝廷如臣空疎豈宜塵冒此蓋
伏遇皇帝陛下剛健純粹緝熙光明曲搜已棄之

材將建無窮之業顧慙淺陋將何補於盛明唯有
朴忠誓不回於生死

謝翰林承旨笏記

宋蘇軾

臣蒙恩授翰林學士承旨知制誥兼侍讀者出膺
闈寄入長禁林皆儒者之極榮豈駑材之所稱此
蓋伏遇皇帝陛下法天凝命稽古象賢總攬羣英
兼收小器欲效涓塵之報未知糜隕之期臣無任
感天荷聖激切屏營之至

及第謝恩笏記

宋陳亮

寤寐英賢帝心如渴僥覩富貴士氣若登其十五

之得人而千一之遇主叨逢則幸報稱謂何恭維
皇帝陛下日照天臨海涵地負朋來濟濟各自奮
於明時網設恢恢不遐遺於片善矧咸奔走翕受
敷施臣等牽連得書徒採言語之小異次第就役
孰輸筋力之小勞仰戴深仁俯慚微分

按劉勰云牋者表也識表其情也字亦作箋古
者君臣同書至東漢始用牋託公府奏記郡將
奏牋若班固之說東平黃香之奏江夏所謂郡
將奏牋者是時太子諸王大臣皆得稱牋後

世專以上皇后太子於是天子稱表皇后太子
稱牋而其他不得用矣其詞有散文有儷語分
為古俗二體而列之今制奏事太子諸王稱
啓而慶賀則皇后太子仍並稱牋云
古體

諫齊王奮牋

吳諸葛恪

孫權有五子奮最少封齊王居武昌權卒
太傅諸葛恪不欲諸王處江濱兵馬之地
從奮于豫章奮怒不從命
又數越法恪上牋諫曰

帝王之尊與天同位是以家天下臣父兄四海之
內皆為臣妾仇讐有善不得不舉親戚有惡不得

不誅所以承天理物先國後身蓋聖人立制百代
不易之道也昔漢初興多王子弟至于太彊輒為
不軌上則幾危社稷下則骨肉相殘其後懲戒以
為天諱自光武以來諸王有制唯得自娛於宮內
不得臨民干與政事其與交通皆有重禁遂以全
安各保福祚此則前世得失之驗也近袁紹劉表
各有國土地非狹人眾非弱以適庶不分遂滅
其宗祀此乃天下愚智所共嗟痛大行皇帝覽古
戒今防茅遏萌慮於千載是以寢疾之日分遣諸
王各早就國詔策殷勤科禁嚴峻其所戒勅無所

不至誠欲上安宗廟下全諸王使百世相承無凶
國害家之悔也大王宜上惟太伯順父之志中今
河間獻王德東海王彊恭敬之節下當存抑驕然
荒亂以為警戒而聞頃至武昌以來多違詔勅不
拘制度擅發諸將兵治護宮室又左右從有罪
過者當以表聞公付有司而擅私殺事不明白大
司馬呂岱親受先帝詔勅輔導大王既不承用其
言令懷憂怖華錡先帝近臣忠良正直其所陳導
當納用之而聞怒錡有收縛之語又中書楊融親
受詔勅所當恭肅云正自不聽禁當如我何聞此

之日大小驚恠莫不寒心里語曰明鏡所以照形
古事所以知今大王宜深以曾主權第四子霸也
死為戒改易與行戰戰兢兢盡敬朝廷如此則無
求不得若棄忘先帝法教懷輕慢之心臣下寧負
大王不敢負先帝遺詔寧為大王所怨疾豈敢忘
尊王之威而令詔令不行於藩臣邪此古今正義
大王所照知也夫福來有由禍生有漸漸生不憂
將不可悔向使魯主早納忠直之言懷驚懼之慮
享祚無窮豈有滅亡之過哉夫良藥苦口唯疾者
能其之忠言逆耳唯達者能受之今者恪等悽悽

欲為大王除危殆於萌芽廣福慶之基原是以不
自知言至願蒙三思奮得機懼遂移南昌游獵跡甚孫皓時與其五子俱被誅
論右諫

為鄭冲勸晉主牋

晉阮籍

魏元帝咸熙元年進晉公司馬炎為王炎讓不受公卿將校皆詣府勸進冲時為太

冲等死罪伏見嘉命顯至竊聞明公固讓冲等眷
眷實有愚心以為聖王作制百代同風衰德賞功
有自來矣昔伊尹有莘氏之媵臣耳一佐成湯遂
荷阿衡之號周公藉已成之勢據既安之業光宅

曲阜奄有龜蒙，呂尚磻溪之漁者也。一朝指揮，乃封營丘。自是以來，功薄而賞厚者，不可勝數。然賢哲之士，猶以為美談。况自先相國司馬以來，世有明德翼輔，魏室以綏天下，朝無闕糝政人無謗言。前者明公西征靈州，北臨沙漠，榆中以西望風震服，羌戎東馳回遁。首內向東，誅叛逆，全軍獨剋禽閻閻吳王名以之之將，斬輕銳之卒，以萬萬計。威加南海，名懾三越，宇內康寧，苛慝不作。是以殊俗畏威，東夷獻舞，故聖上覽乃昔以來禮典舊制，一作開國光宅顯茲太原明公宜承聖旨受茲介

福允當天人，元功盛勳，光光如彼國士，嘉祚魏魏。如此內外協同，靡誓靡違，由斯征伐，則可朝服濟江，掃除吳會，西塞江源，望祀岷山，迴戈弭節，以麾天下，遠無不服，邇無不肅。今大魏之德，光于唐虞，明公盛勳，超于桓文，然後臨滄洲一作海而謝支伯舜讓天下于子州，登箕山以而作揖許由，豈不盛乎。至公至平，誰與為鄰，何必勤勤小讓也哉。冲等不通大體，敢以陳聞。其辭讓也，非有異志，而不履則為虛讓，以邀名此，戲似無足取，然其詞如此，猶有倦倦存魏之忠焉。故錄之，又以見古人之戲，亦用以大上大臣，非持施之。太子而已也。○右請勸

在元城與魏太子戲

魏吳質

時質為元城令

臣質言前蒙延納侍宴終日曜靈匿景影繼以華
燈雖虞卿適趙平原趙勝入秦受贈千金浮觴旬日
無以過也小器易盈先取沈頓醒寤之後不識所
言即以五日到官初至承前未知深淺然觀地形
察土宜西帶恒山連岡平代北鄰栢人乃高帝之
所忌也重以泝水漸漬疆宇喟然歎息思淮陰韓
之奇譎亮成安陳餘之失策南望邯鄲想廉頗名頗相
如之風東接鉅鹿想李齊之流都人士女服習禮

教皆懷慷慨之節包左車李姓之計而質闇弱無以
蒞之若乃邁德種恩樹之風教使農夫逸豫於疆
畔女士吟詠於機杼固非質之能也至於奉遵科
教班揚明令下無威福之吏邑無豪俠之傑賦也
專行刑資於故實抑亦慄慄有庶幾之心往者嚴
助釋承明之歡受會稽之位壽王姓吾去侍從之
娛統東郡之任其後皆克復舊職追尋前軌今獨
不然不亦異乎張敞在外自謂無奇陳咸憤積思
入京城彼豈虛談夸論誑耀世俗哉斯實薄郡守
之榮願左右之勤也古今一揆先後不質焉知來

者之不如今聊以當觀不敢多云質死罪死罪

與廬陵王義真牋 晉謝靈運

會境既豐山水是以汧左嘉遯並多君之但季世
慕榮幽棲者寡或復才為時求弗獲從志至若王
弘之拂衣歸耕踰歷三紀孔淳之隱約窮岫自始
迄今阮萬齡辭事就間纂戎先業浙河之外棲遲
山澤如斯而已既遠同義唐亦激貪厲競殿下愛
素好古常若布衣每意昔聞虛想嚴穴若遺一介
有以相存真可謂千載盛美也陳乞

至洛與成都王晉宗室名穎牋

晉陸機

王室多故禍難荐有羊玄之乘寵凶豎專記朝政
姦臣賊子是為比周皇甫商同惡相求共為亂階
至令天子帝惠飄飄甚於贅旒伏維明公匡濟之舉
義命方宣元戎既啓風威電赫機以駑暗文武寡
施猥蒙積授委任外相輒承嚴教董率諸軍唯力
是視右陳謝

俗體

受徽號賀皇太子牋 唐柳宗元

宗元皇恐言伏奉六月七日劄元和聖文神武法

天應道皇帝宗憲光受徽號率土臣子歡抃無涯伏
維皇太子殿下麗正居中輔成昌運消伏沴孽贊
揚輝光鴻名允升大慶周洽表文武之經緯著天
道之運行瑞景照臨示重輪之發耀恩波下濟見
少海之增瀾宗元泰守遐方獲聞盛禮踴躍之至
倍萬恒情謹附牋賀宗元惶恐死罪死罪

代人賀皇太子正位牋

宋汪藻

伏審顯膺寶冊升位春宮臨軒行曠古之儀見廟
宗承祧之重恭維皇太子殿下分輝寶緒毓粹璿


源挺天久岐嶷之資稟神聖狗齊之教當周室本
支之盛獨冠百男宜漢家羽翼之成無煩四皓前
星外炳滄寰中潛某幸列宗枝喜隆邦本河濶九
里方率族以依仁月有重輪願登歌而薦祉慶賀
湖南提刑到任謝皇后牋

宋文天祥

君子審官道隆儷極皇華遣使命出治朝德意具
宣忱辭告至中謝伏念臣疎庸一介遭遇兩朝早
綴班行嘗忝金科之屬繼乘使傳復塵繡指之行
曲成每戴於釐明退食難逃於吏議不圖元會復

78
8

錫恩言拔起家往陳時臬駟在道寅奉天威
泣止攸司欽哉乃服茲蓋伏遇皇后殿卞德侔坤
地位正家人關雎之化既行用之天下象魏之法
使布正自王官爰取踐更載叨詳讞臣敢不靈承
欽恤祗若平友無刑以乂黎民誕敷聖化式敬以
長王國永誦徽音謝右陳



文體明辯卷之二十五

教字一見

